



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

C. Ejusdem Karoli praeceptum de abbazia sancti Eligij.

urn:nbn:de:hbz:466:1-22974

subscripti. Signum Ernesfredi. Signum Godemarij. Vacanus subscripti. S. Ermentici. S. Ilderici. S. Ausilario. Samson subscripti. Ermimirus. Galindo subscripti. Absalon subscripti. Tristitudo subscripti. Bera subscripti. Iuliono Dei miseratione Presbyter qui bannum exvacuationis scripti & subscripti sub die & anno quo supra.

X C I X.

Karoli Calvi præceptum de novo ponte civitatis Parisiensis.

An. 870.
Ex parvo
chartulario
Ecclesie
Parisien-
sis.

IN nomine sanctæ & individue Trinitatis, Karolus gratia Dei Rex. Notum sit omnibus Episcopis, Abbatibus, Ducibus, Comitibus, Vicariis, Centenariis, Telonariis, omnem rem procurantibus fidelibus nostris, presentibus scilicet & futuris, quia inspirante clementia Salvatoris pro totius utilitate regni nostri, ac defensione sanctæ Dei Ecclesie, atque Normannorum infestatione, unâ cum assensu & voluntate fidelis nostri Parisiæ urbis Aneæ Episcopi, placuit nobis extra prædictam urbem de ærarij nostri scato supra terram monasterij sancti Germani suburbio commorantis, quod à præfatis temporibus Antiodorensis dicitur, subjectum etiam matri Ecclesie sanctæ Mariæ commemoratæ urbis opportunum majorem facere pontem. Post expletionem verò ejusdem pontis, tactus, ut credimus, rore cæleste, dignum judicavimus pro amore Dei & sanctæ Dei genitricis Mariæ sanctique Stephani ipsam pontem Aneæ prædicti Episcopi successorumque suorum potestati subicere; quatenus tam ipse quàm successores ejus ipsum pontem, unâ cum via quæ per terram sancti Germani ad eundem pontem vadit, Deo propitio ordinent absque alicujus Comitis ordinatione, & in eadem emunitate permaneat sicut antea fuit & in præceptis antecessorum nostrorum & nostro de rua sancti Germani continetur. Qua concessione facta, præcellentia nostræ placuit serenitati, tam ex prædicto ponte quàm ex via sancti Germani jam prædicti quæ tendit ad eundem pontem, eidem scilicet Aneæ Episcopo suisque successoribus auctoritatis nostræ solidam inconcussamque statuere præceptum; ita ut ipse quam successores ejus in posterum sæpe memoratum pontem cunctasque arcas aquæ ejusdem pontis, ac molendinos, & quicquid ad eum iusto ordine & * legatione pertinere videtur, absque ullius Comitis vel Vicecomitis seu cujuslibet judicariæ potestatis contradictione libero & pacifico teneant arbitrio. Et ut hoc nostræ auctoritatis atque largitionis præceptum in Dei nomine per succedentia annorum curricula conservetur, veriusque ab omnibus credatur, anuli nostri impressione subter sigillari ac decorari iussimus, manuque propria nostra affirmare curavimus.

Signum Karoli gloriosissimi Regis.

Gislebertus notarius

Datum pridie Idus Iulij Indictione 1111. anno

x 111. Domni Karoli gloriosissimi Regis.

Actum palatio Compendio in Dei nomine feliciter. Amen.

C.

Ejusdem Karoli præceptum de abbacia sancti Eligij.

IN nomine sanctæ & individue Trinitatis. An. 871.
Karolus gratia Dei Rex. Si Ecclesiarum negotiis consulendo, eorum statum ad emendationem ob Christi amorem deducimus, ab ipso non dubitamus accipere retributionem pro cujus hæc peragimus honore. Noverit itaque omnium sanctæ Dei Ecclesie fidelium nostrorumque ad præfens & subsecutura sagacitas quoniam Engeluvinus venerabilis sanctæ Ecclesie Parisiensis antistes ad nostræ humiliter accedens sublimitatis mansuetudinem deprecatus est ut ob nostræ mercedis conjugisque Regine nostræ Richeldis ac virginis intemeratæ genitricis Dei Mariæ emolumentum abbatiam sancti Eligij in potestate Ecclesie sibi creditæ sitam, eique jure beneficiario nostra munificentia concessam, jamdictæ Ecclesie genitricis Dei sanctæ Mariæ sibi que & post se Dei nutu futuris pastoribus in potestatem & jus ecclesiasticum habendum concederemus & concedendo inprævaricabili nostræ auctoritatis præcepto confirmaremus. Cujus petitionibus concessimus libentius quò nostræ utilitati profuturum perspeximus amplius, & ob Domini nostri Iesu Christi siveque virginis Mariæ amorem, atque ob utrarum Ecclesiarum olim à paganis devastatarum invicem emeliorationem, & utilissimè nobis in salutem populi Christiani à genitrice virgine prolis attributionem, hoc nostræ privilegii præceptum fieri & sigillari iussimus, per quod supradictam abbatiam cum omni suarum integritate rerum jamdictæ Ecclesie præfenti futurisque pastoribus delegando perpetualiter ad habendum concedimus, & concedendo inviolabiliter manere decernimus, atque de nostro jure in jus ac dominationem Domine mee genitricis Dei mei Mariæ sollempni more transferimus, taliter ut quicquid exinde statutus à Deo Præsul secundum Dei suamque voluntatem facere voluerit, quemadmodum ex aliis sibi creditis ecclesiasticis rebus canonico in faciendo potiatur arbitrio. Eo siquidem pacto ut diem depositionis patris nostri præcellentissimi Imperatoris Ludovici, quod est XII. Kal. Maij, & matris nostræ gloriosissimæ Imperatricis Iudith, quod est XIII. Kal. Aprilis, diem quoque nativitatis nostræ Idibus Junij, nec non & diem à Deo nobis concessæ unctiois, qui post obitum in diem ipsum in celebrando transfundetur, nativitatem præterea amabilissimæ conjugis nostræ Richeldis Regine Kalendis Augusti, & copulam secundum Dei voluntatem nostræ conjunctionis, insuper & ortum prolis nostræ, si à fecunda virgine impetrando data fuerit, sub continua orationum Missarumque assiduitate cum omni clero sibi commissio præfens futurisque antistes celebret, & refectio in utraque congregatione in die ortus prolis nostræ, si, ut diximus, à genitrice Dei data fuerit, studiosissimè peragatur. De cetero verò, pro hac utriusque Ecclesie majorata

emendatione, omnis Præful pro nobis, conjuge & prole, regniq[ue] statu Dei misericordiam exorare indefinenter accedat. Ut autem hujus nostræ piissimæ largitionis auctoritas potiore in Dei nomine obtineat firmitatis vigorem, de bulla nostrâ insigniri iussimus, & manu propria eam subter firmavimus.

Signum Karoli gloriosissimi Regis.

Adalgatus Notarius ad vicem recognovit.

Datum IV. Idus Majj Indictione 1 v. anno

* xxxi. v. i. regnante Karolo gloriosissimo Rege.

Actum Silvagio palatio in Dei nomine feliciter. Amen.

C I.

Rostagni conjugisq[ue] ejus Berteldis traditio ad Ecclesiam Viennensem.

An. 873.
Ex chartulario Ecclesie Viennensis.

Notitiam traditionis qualiter bonis hominibus qui hanc notitiam subterfirmaverunt, vel quorum signa subter tenentur inserta. Sacrosanctæ Dei Ecclesie qui est contra in honore beati Mauricij infra muros urbis Viennæ, quam Dominus ac venerabilis pater Ado Archiepiscopus ad regendum habet. Nam priscarum legum sanxit auctoritas ut quicumque res suas in quemlibet tradere & transfundere voluerit, hoc per seriem scripturarum pleniter & laudabile Deo auxiliante valeat corroborari. Ideo ego Rostagnus & conjux mea Berteldis, dum incognitum non haberet & honorabilibus & nobilibus filiis Ecclesie Clericis & laicis qualiter nos suscepimus aurum de thesauro prænominati beati Mauricij libras quinque de auro cocto calicem & patenam pensante unaquæque libram ad ferros Spaniscos, ipsas libras de manu præfati Domini Adoni Archiepiscopi accepimus; pro quod auro supra memorato tradimus res proprias juris nostri quæ sunt in pago Viennensi, in agro sancto Ferreolo, in locis nominandis, in Riveria ad pontum omni hereditate quam de paterno & materna seu & de conquisto usque in Velerontia cum casa indominicata usque ad exquisitum sub integritate tradimus prænominate basilicæ sancti Mauricij suisque Pontificibus & agricultoribus, cum vineis & terris ibidem aspicentibus. In monte petra concigata terris & brogalis à Cartanias & ad strada, cum bosco & omni adquesito, ad Marlocco casa & vineola, à Maleto vineam quam de Vlerameo & uxorem ejus concambiavi medietatem, has cum fontibus & arboribus, aquis aquarumque decursibus, sub integrum ad jamdictam casam Dei suisque rectoribus pro præfato auro tradimus atque transfundimus. Idcirco ego Rostagnus ad hanc traditionem veniens, vocatoque Domino Adoni Archiepiscopo cum clero suo in præsentia nobiliorum omnium, id sunt, Ingelgerius, Albo videlicet, Vrperus, Dominicus, Martinus, Benunius, seu & in præsentia plurimorum qui cum eis ibidem aderant, Ingelgerius, Bodo, Acardus, Manuoldus, Eurelianus, Gemmo, Sigebrannus, Ausbertus, Flodoldus, Taulandus,

Tom. II.

Lendoinus, accipiens ostium & cispitem & andelam præfati Episcopi & clero suo manibus propriis has res condonavi pro prædicto auro & tradidi. Denique factum est ut ærotarem. Iterum misimus propinquos & filios nostros pro stabilitatis firmamento traditionis nostræ, Acardo & Eldemanno, Silvium quoque, V Vigoni, & Arafagno, ut præfate basilicæ sancti Mauricij suisque rectoribus vestituram de prædictis rebus facerent. quod ita præsentialiter & fecerunt. Qui exinde vestituram receperunt, fuerunt Constantius Chorepiscopus, Arlenus Præpositus, Honoratus Presbyter, Leutbertus Decanus, Vcbertus Advocatus Domni Adonis Episcopi. Ad hanc receptionem iterum præsens adfuit præfatus Dominus Ado Archiepiscopus, honorabilis vir Angelboto, Odilo denique, & ceteri nobiles, Vassi, & concives, qui cum eo ibidem aderant. nomina & signacula quorum subter tenentur inserta. Inde postmodum idem Rostagnus per memetipsum veniens in civitate Vienna, eandem traditionem iteravi de supra nominatis rebus, ut deinceps retores Ecclesie Viennæ secundum auctoritatem ecclesiasticam sicuti & alias res Ecclesie ordinarent & disponerent ac perpetuo jure eadem ipsa Ecclesia possideret, atque his præsentibus pargameno dato scripturam inde facere rogavit Clericis reverendo Episcopo supra dicto Constantio Chorepiscopo, Erleno Præposito, Leutberto Decano, Teutielmo Abbate & Diacono, Onorato Presbytero, Adalberto Diacono, Elergario Diacono, & clero penè omni, laicis autem nobilibus Angelbotene Vasso regio, Raginaldo, Rostagno, Silvio, Odilone, Vvaninco, Vvaldone, Arnaldo, Vvaremboldo, Leopardo, Teutone, Leudoino, Gervino, & Vvberto Advocato Ecclesie præsentibus & multis aliis. Si quis igitur ego ipse aut uxor mea aut filij mei aut ullus de hereditibus meis aut ulla unquam opposita persona qui contra hanc donationem, quam sponte pro pondere auti conscribere & firmare decrevimus, surrexerit aut aliquid infringere aut inquietate præsumperit, nec valeat vindicare quod repetit, sed insuper inferat tantum & aliud tantum quantum præfate res tunc tempore melioratæ valuerint agricultoribus & rectoribus Ecclesie, & præsens traditio & donatio hæc omni tempore suam obtineat firmitatem cum omni sponcione & stipulatione subnixâ. Hæc res superscriptæ in quantum valerent pro precio auri accepto sunt, ita ut quantum plus super valeret aurum, sive de rebus sive in mancipiis sive in alia qualibet pecunia alia suppleretur. Additæ sunt quoque pro prædicto auro familie quorum sunt nomina. Bona cum infantes suos quatuor, Grimelius cum muliere sua & infantem suum, Garducia, Maurellus, Eldegarda. Rostagnus traditione ista fieri & firmare rogavi. S. Bertilda, quæ hanc traditionem similimodo fieri & firmare rogavit. S. Acardo. S. Odilone. S. Silvij. S. Eldemanni. S. Vgonis. S. Arafagni. Arnoldus Clericus subscripsit. S. Amalgaudo. S. Ingelgerij. S. Boddoni. S. Gemma. S. Siebranni. S. Ausberti. S. Flodoldo. S. Teuttanno. S. Dominici. S. Martini. S. Beninni. S. Vvaldoni. S. Vvaremboldus. S. Leopardo. S. Teuto. S. Airoardus Presbyter rogatus & iussus hanc traditio-

BBbb ij